

PL
2698
L52
1730
v. 26

笠翁偶集卷之四目次

居室部

房舍第一 計八款

向背

途徑

高下

出簷深淺

置頂格

甃地

灑掃

藏垢納污

櫳欄第二 計二款

制體宜堅 附諸圖樣

櫳櫺縱橫格 櫳櫺欹斜格

櫳櫺屈曲體

取景在借 附諸圖樣

便面櫳式 便面櫳外推板裝花式

便面櫳花卉式 便面櫳蟲鳥式

尺幅牕式

梅牕式

牆壁第三 計四款

界牆

女牆

廳壁

書房壁

聯匾第四 計八款

碑文額

蕉葉聯

此君聯

手卷額

冊頁匾

虛白匾

石光匾

秋葉匾

山石第五 計五款

大山

小山

石壁

石洞

零星小石

器玩部

制度第一 計十三款

几案

椅杌 附載圖樣

煖椅式

牀帳

櫥櫃

箱籠篋笥

骨董

鑪瓶

屏軸

茶具

酒具

碗碟

燈燭

箋簡

位置第二 計二款

忌排偶

男 將方

貴活變

人之不能無屋猶體之不能無衣貴變
冬。感。房。舍。亦。然。坐。高。數。切。接。題。數。尺。則。非
矣。然。宜。于。夏。而。不。宜。于。冬。冬。令。貴。人。之。舍。人
不。與。而。保。難。勢。使。之。然。亦。寒。廊。有。以。致。之。故

卷之四

謝

和龍

子

龍

龍

龍

龍

立置一信二根

夢簡

笠翁偶集卷之四

湖上李漁著

壻余三原張亞全訂

男將芳攸大

居室部

房舍第一

人之不能無屋猶體之不能無衣。衣貴夏涼冬燠。房舍亦然。堂高數仞。棖題數尺。壯則壯矣。然宜于夏而不宜于冬。登貴人之堂。令人不寒而慄。雖勢使之然。亦寥廓有以致之。我

王安節云

無一語不

人情三

咏

卷之四

四

藏板

有重裘而彼難挾。續故也。及肩之牆。容膝之屋。儉則儉矣。然適于主而不適于賓。造寒士之廬。使人無憂而歎。雖氣感之乎。亦境地石以迫之。此耐蕭疎而彼憎岑寂故也。吾願顯者之居。勿太高廣。夫房舍與人欲其相稱。畫山水者有訣云。丈山尺樹。寸馬豆人。使一丈之山綴以二尺三尺之樹。一寸之馬跨以似米似粟之人。稱乎不稱乎。使顯者之軀能如湯文之九尺十尺。則高數仞爲宜。不則堂愈。

杜于皇云
笠翁有賞
花絕句云
淨供詩通
償未了又

高而人愈覺其矮地愈寬而體愈形其瘠何
如略小其堂而寬大其身之爲得乎處士之
廬難免卑隘然卑者不能聳之使高隘者不
能擴之使廣而汚穢者克塞者則能去之使
淨淨則卑者高而隘者廣矣吾貧賤一生播
遷流離不一其處雖債而食賃而居總未嘗
稍汚其座性嗜花竹而購之無資則必令妻
孥忍飢數日或耐寒一冬省口體之奉以娛
耳目人則笑之而我怡然自得也性又不喜

抱花債利
新年印其
事也

雷同好爲矯異。常謂人之葺居治宅。與讀書
作文。同一致也。譬如治舉業者。高則自出手
眼。創爲新異之篇。其極卑者。亦將讀熟之文。
移頭換尾。損益字句。而後出之。從未有抄寫
全篇。而自名善用者也。乃至興造一事。則必
肖人之堂。以爲堂。窺人之戶。以立戶。稍有不
合。不以爲得。而反以爲耻。常見通侯貴戚。擲
盈千累萬之資。以治園圃。必先諭大匠曰。亭
則法某人之制。榭則遵誰氏之規。勿使稍異。

而操運斤之權者。至大厦告成。必驕語居功。謂其立戶開牕。安廊置閣。事事皆倣名園。纖毫不謬。噫。陋矣。以構造園亭之勝。事上之不能。自出手眼。如標新創異之文人。下之至不能。換尾移頭。學套腐爲新之庸筆。尚冀以鳴得意。何其自處之卑哉。予嘗謂人曰。生平有兩絕技。自不能用。而人亦不能用之。殊可惜也。人問絕技。維何。予曰。一則辨審音樂。一則置造園亭。性嗜填詞。每多撰著。海內共見。

已點琵琶
西廂諸劇
鐵處成金
茲更欽家
家引入桃
源雞犬皆
仙與鶴世
矣

之矣。設處得爲之地。自選優伶。使歌自撰之
詞。曲口授而躬試之。無論新裁之曲。可使迥
異時腔。卽舊日傳奇。一槩刪其腐習。而益以
新格。爲往時作者。別開生面。此一技也。一則
創造園亭。因地制宜。不拘成見。一榱一桷。必
令出自己裁。使經其地。入其室者。如讀湖上
笠翁之書。雖乏高才。頗饒別致。豈非

聖明之世。文物之邦。一點綴太平之具哉。噫。吾老矣。
不足用也。請以崖略付之簡篇。供嗜痂者採

擇收其一得如對筮翁則斯編實爲神交之助爾

土木之事最忌奢靡匪特庶民之家當崇儉朴卽王公大人亦當以此爲尚蓋室之制貴精不貴麗貴新奇大雅不貴纖巧爛熳凡人止好富麗者非好富麗因其不能創異標新舍富麗無所見長只得以此塞責譬如人有新衣二件試令兩人服之一則雅素而新奇一則輝煌而平易觀者之目注在平易乎

周櫟園云

撒漫使錢

是世間第

一有力事

無怪其然

在新奇乎錦繡綺羅誰不知貴亦誰不見之
縞衣素裳其制略新則爲衆目所射以其未
嘗睹也凡予所言皆屬價廉工省之事卽有
所費亦不及雕鏤粉藻之百一且古語云耕
當問奴織當訪婢予貧士也僅識寒酸之事
欲示富貴而以綺麗勝人則有從前之舊制
在

新制人所未見卽縷縷言之亦難盡曉勢必
繪圖作樣然有圖所能繪有不能繪者不能

繪者十之九能繪者不過十之一因其有而
會其無是在解人善悟耳

向背

屋以面南爲正向然不可必得則面北者宜虛其後
以受南薰面東者虛右面西者虛左亦猶是也如東
西北皆無餘地則開牕借天以補之牖之大者可抵
小門二扇穴之高者可敵低牕二扇不可不知也

途徑

徑莫便于捷而又莫妙于迂凡有故作迂途以取別

致者必另開耳門一扇以便家人之奔走急則開之緩則閉之斯雅俗俱利而理致兼收矣

高下

房舍忌似平原須有高下之勢不獨園圃爲然居室亦應如是前卑後高理之常也然地不如是而強欲如是亦病其拘總有因時制宜之法高者造屋卑者建樓一法也卑處疊石爲山高處浚水爲池二法也又有因其高而愈高之豎閣磊峰于峻坡之上因其卑而愈卑之穿塘鑿井于下濕之區總無一定之法

神而明之存乎其人此非可以遙授方略者矣

出簷深淺

居宅無論精麤總以能蔽風雨爲貴常有畫棟雕梁
瓊樓玉檻而止可娛晴不堪坐雨者非失之太敞則
病於過峻故在不宜長長爲招雨之媒窗不宜多多
爲匿風之藪務使虛實相半長短得宜又有貧士之
家房舍寬而餘地少欲作深簷以障風雨則苦于暗
欲置長牖以受光明則慮在陰劑其兩難則有添置
活簷一法何爲活簷法於瓦簷之下另設板棚一扇

置轉軸于兩頭。可撐可下。晴則反撐。使正面向下。以當簷外頂格。雨則正撐。使正面向上。以承簷溜。是我能用天。而天不能窘我矣。

置頂格

精室不見椽瓦。或以板覆。或用紙糊。以掩屋上之醜態。名爲頂格。天下皆然。予獨怪其法制未善。何也。常因屋高簷矮。意欲取平。遂抑高者就下。頂格一槩齊簷。使高廠有用之區。委之不見不聞。以爲鼠竊。良可慨也。亦有不忍棄此竟。以頂板貼椽。仍作屋形。高其

中而卑其前後者又不美觀而病其呆笨。予爲新製以頂格爲斗笠之形。可方可圓。四面皆下而獨高其中。且無多費。仍是平格之板。料但令工匠畫定尺寸。鑷而去之。如作圓形。則中間鑷下一段。是棄物矣。卽用棄物作頂升之。于上止增周圍一段。豎板長僅尺許。少者一層。多則二層。隨人所好。方者亦然。造成之後。若糊以紙。又可于豎板之上。裱貼字畫圖者。類手卷。方者類冊葉。簡而文新而妥。以質高明。必當取其有裨。○方者可用豎板作門。時開時閉。則當壁櫥四

張納無限器物于中而不之覺也。

斃地

周禮園云

有以至于布地者最爲雅觀然有最不便處用之露天易于生草剪之不勝其勤而土之又于石于有碍初時未嘗不用沙填灰之帶土施泥前

古人茅茨土階雖崇儉朴亦以法制未盡備也惟幕天者可以席地梁棟既設即有階除與戴冠者不可跣足同一理也且土不覆磚嘗苦其濕又易生塵有用板作地者又病其步履有聲誼而不寂以三和土斃地築之極堅使完好如石最爲豐儉得宜而又有不便于人者若和灰和土不用鹽鹵則燥而易裂用之發潮又不利于天陰且磚可挪移而斃成之上不

沙蟲漫事
有最妙而
不可行者
此類是也

可挪移。日後改遷遂成棄物。是又不宜用也。不若仍
用磚鋪止在磨與不磨之間。別其豐儉。有力者磨之
使光。無力者聽其自糙。予謂極糙之磚。猶愈于極光
之上。但能自運機杼。使小者開大方者合圓。別成玄
理。或作冰裂。或肖龜紋。收牛溲馬渤入藥籠。用之得
宜。其價值反在參苓之上。此種調度言之易而行之
甚難。僅存其說而已。

灑掃

精美之房。宜勤灑掃。然灑掃中亦具大段學問。非僅

僕所能知也。欲去浮塵，先用水灑。此古人傳示之法。今世行之者，十中不得一二。蓋因童子性懶，慮有汲水之煩，止埽不灑。是以兩事併爲一事，惜其力也。久之習爲固然，非特童子忘之，并主人亦不知埽地之先更有一事矣。彼但知兩者併一是省事，法殊不知因其懶也，遂以一事化爲數十事。服役者旣以爲苦，而指使者亦覺其繁然。總不知此數十事者皆從一事苟簡而生之者也。精舍之內，自明窗淨几而外，尚有圖書翰墨，骨董器玩之種種，無一不忌浮塵不灑。

王左車云

讀此始知

尼山不迂

至理名言
愈搜愈出

而婦是以紅塵摻物。物物皆受其蒙。併棟梁之上。棖
柄之間。亦生障翳。勢必逐件擦磨。始見本來面目。手
不停揮者。半日纔能竣事。不亦勞乎。若能先灑後掃。
則掃過之後。只顧塵尾一拂。一日清淨之事畢矣。何
指使服役之紛紛哉。此灑水之不容已也。然勤掃不
如勤灑。人則知之。多灑不如輕掃。人則未知之也。僥
其善灑。不能處處皆通。究竟乾地居多。服役者不知。
以其既經灑濕。則任意揮掃。無妨揚塵。舞蹈之際。障
翳之生也。更多。故運帚切記勿重。匪特勿重。每于歇

手之際必使帚尾着地勿令懸空如掃一帚起一帚則與揮扇無異是揚灰使起非抑塵使伏也此是一法又有閉門掃地之訣不可不知如入先掃房舍後及階除則將房舍之門緊閉俟掃完階除後略停片刻然後開門始無灰塵入戶之患藏獲不知以為房舍掃完其事畢矣此後漸及門外與內絕不相蒙豈知有顧此失彼之患哉順風揚灰一帚可當十帚較之未掃更甚此皆世人所忽故拈出告之然未免饒舌

眼前勿當
人苦不知

讀等翁書
如登浮屠
未有不一
級高一級
者

灑埽二事勢必相因。缺一不可。然亦有時以孤行爲妙。是又不可不知。先灑後埽。言其常也。若旦旦如是。則土膠於水。積而不去。日厚一日。磚板受其虛名。而有土階之實矣。故灑過數日。必留一日。勿灑止。令童子輕輕用帚。不致揚塵。是數日所積者。一朝去之。則水土交相爲用。而不交相爲害矣。

藏垢納污

欲營精潔之房。先設藏垢納污之地。何也。愛精喜潔之士。一物不整齊。卽如日中生刺。勢必去之而後已。

安節云

求韻入于

丁古定推

管翁首座

謂有人可

出其上者

不信也

全象傳身卷之四

十

藏板

然一人之身百工之所為備。能保物物皆精乎。且如
 文人之手刻不停批。綉女之躬時難罷刺。唾絨滿地。
 金屋為之不光。殘稿盈庭。精舍因而欠好。是極韻之
 物。尚能使人不韻。況其他乎。故必于精舍左右。易設
 小屋一間。有如複道。俗名套房是也。凡有敗箋棄紙。
 垢硯禿毫之類。卒急不能料理者。姑置其間。以俟暇
 時檢點。婦人之閨閣亦然。殘脂剩粉。無日無之。淨之
 將不勝其淨也。此房無論大小。但期必備。如貧家不
 能辦。此則以箱籠代之。案傍榻後皆可置。先有容拙

之地而後能施其巧。此藏垢之不容已也。至于納污之區。更不可少。凡人有飲。卽有溺。有食。卽有便。如廁之時。尚少。可于溷廁之外。不必另尋去路。至于溺之爲數。一日不知凡幾。若不擇地而遺。則淨土皆成糞壤。如或避潔就污。則往來僕僕。是率天下而路也。此爲尋常好潔者言之。若夫文人運腕。每至得意疾書之際。機鋒一阻。則斷不可續。然而寢食可廢。便溺不可廢也。官急不如私急。俗不云乎。常有得句。將書而阻于溺。及溺後。覓之杳不可得者。予往往驗之。故營。

此最急。當于書室之傍。穴牆爲孔。篋以小竹。使遺在內。而流于外。穢氣罔聞。有若未嘗溺者。無論陰晴寒暑。可以不出戶庭。此予自爲計者。而亦舉以示人。其無隱諱可知也。

牕欄第二

吾觀今世之人。能變古法爲今制者。其惟牕欄一事乎。牕欄之制。日新月異。皆從成法中。變出腐草爲螢。實其至理。如此。則造物生人。不任付心胸一片。但造房建宅。與置立牕軒。

同是一理。明於此而暗於彼。何其有聰明而
不善擴乎。予往往自制。懸欄之格。口授工匠。
使爲之。以爲極新極異矣。而偶至一處。見其
已設者。先得我心之同然。因自笑爲遼東白
豕。獨房舍之制不然。求爲同心甚少。門窗二
物。新制旣多。予不復贅。恐其又蹈白豕轍也。
惟約略言之。以補時人之偶缺。

制體宜堅

懸櫺以明透爲先。欄杆以玲瓏爲主。然此皆屬第二


義其首重者止在一字之堅。堅而後論工拙。嘗有窮工極巧以求盡善。乃不踰時而失頭墮趾。反類畫虎未成者。計其新而不計其舊也。總其大綱則有二語。宜簡不宜繁。宜自然不宜雕斲。凡事物之理簡斯可繼。繁則難久。順其性者必堅。戕其體者易壞。木之爲器。凡合筍使就者皆順其性以爲之者也。雕刻使成者皆戕其體而爲之者也。一涉雕鏤則腐朽可立待矣。故窗櫺欄杆之制。務使頭頭有筍。眼眼着散。然頭眼過密。筍撒太多。又與雕鏤無異。仍是戕其體也。故

又宜簡不宜繁。根數愈少愈佳。少則可堅。眼數愈密愈貴。密則紙不易碎。然既少矣。又安能密。因此。在制度之善。非可以筆舌爭也。牕欄之體。不出於橫欹斜。屈曲三項。請以蕭齋製就者。各圖一則。以例之。

縱


橫

格



是格也。根數不多。而眼亦未嘗不密。是所謂頭頭有
筭。眼眼着撒者。雅莫雅于此。堅亦莫堅于此矣。是從
陳腐中變出。由此推之。則舊式可化爲新者。不知凡
幾。但取其簡者。堅者。自然者。變之。事事以雕鏤爲戒。
則人工漸去。而天巧自呈矣。


欹斜格 係欄



卷之三

七

界子



此格甚佳爲人意想所不到。因其平而有筍者。可以
着實。尖而無筍者。沒處生根。故也。然賴有躲閃法。能
令外似懸空。內偏着實。止須善藏其拙耳。當于尖木
之後。另設堅固薄板一條。托于其後。上下投筍。而以
尖木釘于其上。前看則無後觀則有其能幻有爲無
者。全在油漆時。善于着色。如欄杆之本體用朱。則所
托之板。另用他色。他色亦不得泛用。當以屋內牆壁
之色爲色。如牆係白粉。此板亦作粉色。壁係青磚。此
板亦肖磚色。自外觀之。止見朱色之紋。而與牆壁相

同者混然一色。無所辨矣。至欄杆之向內者。又必另
爲一色。勿與外同。或青或藍。無所不可。而薄板向內
之色。則當與之相合。自內觀之。又別成一種。文理較
外尤可觀也。

屈曲體 係欄



五
卷
之
四

上

芥子園



此格最堅而又省費。名桃花浪。又名浪裏梅。曲木另造花另造。俟曲木入柱投筍後。始以花塞空處。上下着釘。借此聯絡。雖有大力者。撓之不能動矣。花之內外。宜作兩種。一作桃。一作梅。所云桃花浪裏梅。是也。浪色亦忌雷同。或藍或綠。否則同是一色。而以深淺別之。使人一轉足之間。景色判然。是以一物幻爲二物。又未嘗于平等材料之外。另費一錢。凡予所爲。強半皆若是也。

取景在借

開牕莫妙于借景而借景之法予能得其三昧向猶
私之乃今嗜薌者衆將來必多依樣葫蘆不若公之
海內使物物盡效其靈人人均有其樂但期予得意
酣歌之頃高呼笠翁數聲使夢魂得以相傍是人樂
而我亦與焉爲願足矣向居西子湖濱欲構湖舫一
隻事事猶人不求稍異止以牕格異之人詢其法子
曰四面皆實猶虛其中而爲便面之形實者用板蒙
以灰布勿露一隙之光虛者用木作匡上下皆曲而
直其兩旁所謂便面是也純露空明勿使有纖毫障

翳。是。船。之。左。右。止。有。二。便。面。便。面。之。外。無。他。物。矣。坐。于。其。中。則。兩。岸。之。湖。光。山。色。寺。觀。浮。屠。雲。烟。竹。樹。以。及。往。來。之。樵。人。牧。豎。醉。翁。游。女。連。人。帶。馬。盡。入。便。面。之。中。作。我。天。然。圖。畫。且。又。時。時。變。幻。不。爲。一。定。之。形。非。特。舟。行。之。際。搖。一。櫓。變。一。象。撐。一。篙。換。一。景。卽。繫。纜。時。風。搖。水。動。亦。刻。刻。異。形。是。一。日。之。內。現。出。百。千。萬。幅。佳。山。佳。水。總。以。便。面。收。之。而。便。面。之。制。又。絕。無。多。費。不。過。曲。木。兩。條。直。木。兩。條。而。已。世。有。擲。盡。金。錢。求。爲。新。異。者。其。能。新。異。若。此。乎。此。牕。不。但。娛。已。兼。可。

娛人不特以舟外無窮之景色攝入舟中兼可以舟中所有之人物并一切几席杯盤射出牕外以備來往遊人之玩賞何也。以內視外固是一幅便面山水。而以外視內亦是一幅扇頭人物。譬如拉妓邀僧呼朋聚友。與之彈碁觀畫分韻拈毫或飲或歌。任眠任起。自外觀之無一不同。繪事同一物也。同一事也。此牕未設以前。僅作事物觀。一有此牕。則不煩指點。人人俱作畫圖觀矣。夫扇而非異物也。宵扇而爲牕。又非難事也。世人取象乎物而爲門爲牕者。不知凡幾。

獨留此眼前。共見之物。棄而弗取。以待笠翁。詎非咄咄怪事乎。所恨有心無力。不能辦此一舟。竟成欠事。茲且移居白門。爲西子湖之薄倖人矣。此願茫茫。其何能遂。不得已而小用其機。置此牕于樓頭。以窺鍾山氣色。然非創始之心。僅存其制而已。予又嘗作觀山虛牕名尺幅牕。又名無心。畫姑妄言之。浮白軒中。復有小山一座。高不踰丈。寬止及尋。而其中則有丹崖碧水。茂林修竹。鳴禽響瀑。茅屋板橋。凡山居所有之物。無一不備。蓋因善塑者肖予一像。神氣宛然。又


園子號笠翁。顧名思義而爲把釣之形。予思阮執綸竿。必常坐之磯上。有石不可無水。有水不可無山。有山有水。不可無笠翁。息釣歸休之地。遂營此窟以居之。是此山原爲像設。初無意于爲廳也。後見其物小而蘊大。有須彌芥子之義。盡日坐觀。不忍闔牖。乃瞿然曰。是山也。而可以作畫。是畫也。而可以爲廳。不過損予一日杖頭錢。爲裝潢之具耳。遂命童子裁紙數幅。以爲畫之頭尾。及左右鑲邊。頭尾貼于廳之上下。鑲邊貼于兩傍。儼然堂畫一幅。而但虛其中。非虛其


中欲以屋後之山代之也。坐而觀之，則廳非廳也。齋也。山非屋後之山，即齋上之山也。不覺狂笑失聲。妻孥至，又復笑。予所笑而無心齋尺幅廳之制，從此始矣。予又嘗取枯木數莖，置作天然之牖，名曰梅牖。生平制作之佳，當以此爲第一。巴西之夏，驟漲滔天，久而不涸。齋頭淹死榴橙各一株，伐而爲薪。因其堅也，刀斧難入，卧于階除者數日。予見其枝柯盤曲，有似古梅，而老幹又具盤錯之勢，似可取而爲器者，因等所以用之。是時樓雲谷中幽而不明，正思闢牖，乃

幡然曰。道在是矣。遂語工師。取老幹之近直者。順其本來。不加斧鑿。爲牕之上下兩傍。是牕之外廓具矣。再取枝柯之一面盤曲。一面稍平者。分作梅樹兩株。一從上生而倒垂。一從下生而仰接。其稍平之一面。則略施斧斤。去其皮節而向外。以便糊紙。其盤曲之一面。則匪特盡全其天。不稍戕斲。并疎枝細梗而留之。旣成之後。剪綠作花。分紅梅綠萼二種。綴于疎枝細梗之上。儼然活梅之初着花者。同人見之。無不叫絕。予之心思。訖于此矣。後有所作。當亦不過是矣。

便面不得于舟而用于房舍是屈事矣。然有移天換日之法在。亦可變昨爲今。化板成活。俾耳目之前刻。刻似有生機。飛舞是亦未嘗不妙。止廢我一番籌度耳。予性最癖。不喜盆內之花。籠中之鳥。缸內之魚。及案上有座之石。以其局促不舒。令人作囚鸞繫鳳之想。故盆花自幽蘭水仙而外。未嘗寓目。鳥中之畫眉。性酷嗜之。然必另出己意。而爲籠不同舊制。務使不見拘囚之跡。而後已。自設便面以後。則生平所棄之物。盡在所取。從來作便面者。凡山水人物竹石花鳥。


以及昆蟲無一不在所繪之內故設此牕于屋內必
先于牆外置板以備成物之用一切盆花籠鳥蟠松
怪石皆可更換置之如盆蘭吐花移之牕外卽是一
幅便面幽蘭盎菊舒英內之牕中卽是一幅扇頭佳
菊或數日一更或一日一更卽一日數更亦未嘗不
可但須遮蔽下段勿露盆盎之形而遮蔽之物則莫
妙于零星碎石是此窗家家可用人人可辦詎非耳
目之前第一樂事得意酣歌之頃可忘作始之李笠
翁乎





芥子園

此湖舫式也不獨西湖凡居名勝之地皆可用之。但便面止可觀山臨水不能障雨蔽風。是又宜籌退步以補前說之不逮。退步云何。外設推板可開可闔。此易爲之事也。但純用推板則幽而不明。純用明牕又與扇面之制不合。須以板內嵌牕之法處之。其法維何。曰卽倣梅牕之制以製牕櫺亦備其式于左。



便面外推板裝花式



四圍用板者既取其堅。又省製櫺裝花人工之半也。中作花樹者不失扇頭圖畫之本色也。用直櫺間于其中者無此則花樹無所倚靠。卽勉強爲之亦浮脆而難久也。櫺不取直而作欹斜之勢。又使上寬下窄者欲省扇面之折紋。且小者可以獨扇。大則必分雙扇。其中間合縫處糊紗糊紙無直木以界之。則紗與紙無所依附。故也。若是則櫺與花樹縱橫相雜。不幾涇渭難分而求工反拙乎。曰不然。有兩法蓋藏勿慮也。花樹粗細不一其勢莫妙于參差。櫺則極勻而又

貴乎極細。須以極堅之木爲之一法也。油漆并着色之時。櫺用白粉與糊。牕之紗紙同色。而花樹則繪五彩。儼然活樹生花。又一法也。若是涇渭自分。而便面與花判然有別矣。梅花止備一種。此外或花或鳥。但取簡便者爲之。勿拘一格。惟山水人物。必不可用。板與花櫺俱另製。製就花櫺而後以板鑲之。卽花與櫺亦難合造。須使花自花。而櫺自櫺。先分後合。其連接處各損少許以就之。或以釘釘。或以膠黏。務期可久。

便面花窗式



便面蟲鳥式



諸式止備其槩。餘可類推。然此皆爲窗外無景求天
然者不得。故以人力補之。若遠近風物。儘有可觀。則
焉用此碌碌爲哉。昔人云。會心處正不在遠。若能實
具一段閒情。一雙慧眼。則過目之物。盡在畫圖入耳
之聲。無非詩料。譬如我坐牕內。人行牕外。無論見少
年女子。是一幅美人圖。卽見老嫗白叟。扶杖而來。亦
是名人壽幅。中必不可無之物。見嬰兒羣戲。是一幅
百子圖。卽見牛羊並牧。犬交譁。亦是詞客文情內。
未嘗偶缺之資。牛渡馬渤。盡入藥籠。予所製便面牕。

卽雅人韻士之藥籠也。

此窗若另製紗窗一扇。繪以燈色花鳥。至夜篝燈于內。自外視之。又是一盞扇面燈。卽日間自內視之光彩相照。亦與觀燈無異也。

空齋偶集 卷之四

三

藏板



凡置此廳之屋。進步宜深。使坐客觀山之地。去廳稍遠。則廳之外廓爲畫。畫之內廓爲山。山與畫連。無分彼此。目者不問而知爲天然之畫矣。淺促之屋。坐在廳邊。勢必倚廳爲欄。身之大半出于廳外。但見山而不在畫。則作者深心。有時埋沒。非盡善之制也。



尺幅窗圖式最難摹寫。來非似真。畫即似真。山非畫上之山。與山中之畫也。前式雖工。慮觀者終難了悟。茲再繪一紙。以作副墨。且此窗雖多閉。然亦間有開時。閉用他榻。他榻則與畫意不介。現態出矣。必須照式大小作木榻一扇。以名畫。窗之。簾入窗中。又是一幅真畫。並非無心畫。與尺幅窗矣。但觀此式。自能了然。

裱榻如裱迴屏。托以麻布及厚紙。薄則明而有光。不成畫矣。

梅 牕



制此之法總論已備之矣其略而不詳者止有取老
榦作外廓一事外廓者廳之四面卽上下兩旁是也
若以整木爲之則向內者古朴可愛而向外一面屈
曲不平以之着牆勢難貼伏必取整木一段分中鋸
開以有鋸路者着牆天然木斲者向內則天巧人工
俱有所用之矣

地。洋。風。之。矣。

開。以。百。餘。萬。年。天。然。木。隨。其。向。內。即。天。然。人。

地。不。平。以。之。為。路。其。路。必。如。柱。木。一。列。於。中。故。

其。以。柱。木。之。限。向。內。皆。古。林。山。案。而。向。於。一。面。低。

緯。斗。必。漏。一。事。其。故。蓋。謂。之。四。面。唯。生。不。雨。矣。其。上。

歸。北。之。去。縣。館。山。斷。之。矣。其。地。而。不。着。皆。山。亦。如。其。

牆壁第三

峻宇雕牆。家徒壁立。昔人貧富。皆于牆壁間
辨之。故富人潤屋。貧士結廬。皆自牆壁始。牆
壁者。內外攸分。而人我相半者也。俗云。一家
築牆。兩家好看。居室器物之有公道者。惟牆
壁一種。其餘一切。皆爲我之學也。然國之宜
固者。城池。城池固而國始固。家之宜堅者。牆
壁。牆壁堅而家始堅。其實爲人。卽是爲己。人
能以治牆壁之一念。治其身心。則無往而不

利矣。人笑予止務閒情。不喜談禪講學。故偶
爲是說以解嘲。未審有當于理學名賢及善
知識否也。

界牆

界牆者。人我公私之畛域。家之外廓是也。莫妙于亂
石壘成。不限大小方圓之定格。壘之者人工。而石則
造物生成之本質也。其次則爲石子。石子亦係生成
而次于亂石者。以其有圓無方似執一見。雖屬天工
而近于人力故耳。然論二物之堅固。亦復有差。若云

美人入畫。則彼此兼擅其長矣。此惟傍山鄰水之處。得以有之。陸地平原。知其美而不能致也。予見一老僧建寺。就石工斧鑿之餘。收取零星碎石。幾及千擔。壘成一壁。高廣皆過十仞。嶙峋嶄絕。光怪陸離。大有峭壁懸崖之致。此僧誠韻人也。迄今三十餘年。此壁猶時時入夢。其繫人思念可知。磚砌之牆。乃八方公器。其理其法。是人皆知。可以置而弗道。至于泥牆土壁。貧富皆宜。極有蕭疎雅淡之致。惟怪其跟腳過肥。收頂太窄。有似尖山。又且或進或出。不能如磚牆一

全象集 卷之四 三
藏板
截而齊。此皆主人監督之不善也。若以砌磚牆掛線之法。先定高低出入之痕。以他物建標于外。然後以築板因之。則有旃牆粉堵之風。而無敗壁頽垣之象矣。

女牆

古今注云。女牆者。城上小牆。一名睥睨。言于城上窺人也。予以私意釋之。此名甚美。似不必定指城垣。凡戶以內之及肩小牆。皆可以此名之。蓋女者婦人未嫁之稱。不過言其纖小。若定指城上小牆。則登城禦

敵豈婦人女子之事哉。至于牆上簞花或露孔使內
外得以相視。如近時園圃所築者。益可名爲女牆。蓋
倣睥睨之制而成者也。其法窮奇極巧。如園冶所載
諸式。始無遺義矣。但須擇其至穩極固者爲之。不則
一磚偶動。則全壁皆傾。往來負荷者。保無一時誤觸
之患乎。壞牆不足惜。傷人實可慮也。予謂自頂及腳
皆砌花紋。不惟極險。亦且大費人工。其所以洞徹內
外者。不過使代琉璃屏。欲人窺見室家之好耳。止于
人眼所矚之處。空二三尺。使作奇巧花紋。其高乎此。

及卑乎此者。仍照常實砌。則爲費不多。而又永無誤觸致崩之患。此豐儉得宜。有利無害之法也。

廳壁

廳壁不宜太素。亦忌太華。名人尺幅。自不可少。但須濃淡得宜。錯綜有致。予謂裱軸不如實貼。軸慮風起動搖。損傷名蹟。實貼則無是患。且覺大小咸宜也。實貼又不如實畫。何年顧虎頭滿壁畫滄洲。自是高人韻事。予齋頭偶倣此制。而又變幻其形。良朋至止。無不耳目一新。低徊留之不能去者。因子性嗜禽鳥。而

又最惡樊籠。二事難全。終年搜索枯腸。一悟遂成。法乃于廳旁四壁倩四名手。盡寫着色花樹。而繞以雲烟。卽以所愛禽鳥蓄于虬枝老幹之上。壽止空迹。鳥有實形。如何可蓄。曰不難。蓄之須自鸚鵡始。從來蓄鸚鵡者。必用銅架。卽以銅架去其三面。止存立脚之一條。并飲水啄粟之二管。先于所畫松枝之上穴一小壁孔。後以架鸚鵡者插入其中。務使極固。庶往來跳躍不致動搖。松爲着色之。松鳥亦有色之。鳥互相映發。有如一筆寫成。良朋至止。仰觀壁畫。忽見

枝頭鳥動。葉底翎張。無不色變。神飛。詫爲仙筆。乃驚疑未定。又復載飛。載鳴。似欲翺翔而下矣。諦觀熟視。方知箇裏情形。有不抵掌叫絕。而稱巧奪天工者乎。若四壁盡蓄鸚鵡。又忌雷同。勢必間以他鳥。鳥之善鳴者。推畫眉第一。然鸚鵡之籠。可去。畫眉之籠。不可去也。將奈之何。予又有一法。取樹枝之拳曲似籠者。截取一段。密者聽其自如。疎者網以鐵線。不使太疎。亦不使太密。總以不致飛脫爲主。蓄畫眉于中。插之亦如前法。此聲方歇。彼喙復開。翠羽初收。丹睛復轉。

因禽鳥之善鳴。善啄。覺花樹之亦動。亦搖。流水不鳴。而似鳴。高山是寂。而非寂。坐客別去者。皆作殷浩書。空謂咄咄怪事。無有過此者矣。

書房壁

書房之壁。最宜瀟灑。欲其瀟灑。切忌油漆。油漆一物。俗物也。前人不得已而用之。非好爲是。沾沾者。門戶。廳櫺之。必須油漆。蔽風雨也。廳柱。檁楹之。必須油漆。防黠污也。若夫書室之內。人跡罕至。陰雨弗浸。無此二患。而亦蹈此轍。是無刻不在桐腥漆氣之中。何不。

併漆其身而爲厲乎石灰聖壁磨使極光上着也其次則用紙糊紙糊可使屋柱廳楹共爲一色卽壁用灰聖柱上亦須紙糊紙色與灰相去不遠耳壁間書畫自不可少然精貼太繁不留餘地亦是文人俗態天下萬物以少爲貴步幃非不佳所貴在偶爾一見若王愷之四十里石崇之五十里則是一日中閨市錦綉羅列之肆塵而已矣看到繁縟處有不生厭倦者哉昔僧元覽往荊州陟岵寺張璪畫古松于齋壁符載贊之獨象詩之亦一時三絕覽悉加聖焉人間

其故覽曰無事疥吾壁也。誠高僧之言。然未免太甚。若近時齋壁。長箋短幅。盡貼無遺。似衝繁道上之族。肆往來過客。無不留題。所少者。只有一筆一筆。維何某年月日。某人同某在此。一樂是也。此真疥壁。吾請以玄覽之藥藥之。

糊壁用紙到處皆然。不過滿房一色白而已矣。予怪其物而不化。竊欲新之。新之不已。又以薄紙變爲陶治。幽齋化爲審器。雖居室內。如在壺中。又一新人觀聽之事也。先以醬色紙一層糊壁作底。後用豆綠雲

母箋隨手製作零星小塊或方或圓或短或長或三角或四五角但勿使圓隨手貼于醬色紙上每縫一條必露出醬色紙一線務令大小錯雜斜正參差則貼成之後滿房皆木裂碎紋有如哥窯美器其塊之大者亦可題詩作畫置於零星小塊之間有如銘鐘勒卣盤上作銘無一不成韻事問予所費幾何不過于尋常紙價之外多一二剪合之工而已同一費錢而有庸腐新奇之別止在稍用其心心之官則思如其不思則焉用此心爲哉

糊紙之壁。忌用板。板乾則裂。板裂而紙碎矣。用木
條縱橫作櫺。如屏之骨子然。前人制物。備用皆經
屢試。而後得之。屏不用板。而用木櫺。卽是故也。卽如
糊。刷用棕。不用他物。其法亦經屢試。舍此而另換一
物。則紙與糊。兩不相能。非厚薄之不均。卽剛柔之太
過。是天生此物。以備此用。非人不能取。而予之人知
巧。莫巧于古人。孰知古人于此。亦大費辛勤。皆學而
知之。非生而知之者也。
壁間留隙地。可以代櫺。此倣伏生藏書于壁之義。大

有古風。但所用有不合于古者。此地可置他物。獨不可藏書。以磚土性濕。容易發潮。潮則生蠹。且防朽爛。故也。然則古人藏書于壁。殆虛語乎。曰不然。東南西北地氣不同。此法止宜于西北。不宜于東南。西北地高而風烈。有穴地數丈而始得泉者。濕從水出。水既不得濕。從何來。即使有極潮之地。而加以極烈之風。未有不返濕爲燥者。故壁間藏書。惟燕趙秦晉則可。此外皆應避之。卽藏他物。亦宜時開時闔。使受風吹。久閉不開。亦有靈濕生蟲之患。莫妙于空洞其中止。

設托板。不立門扇。彷彿書架之形。有其用而不侵吾地。且有磐石之固。莫能搖動。此妙制善算。居家必不可無者。予又有壁內藏燈之法。可以養目。可以省膏。可以一物而備兩室之用。取以公世。亦貧士利人之一端也。我輩長夜讀書。燈光射目。最耗元神。有用瓦燈。貯火留一隙之光。僅照書本。餘皆閉藏于內。而不用者。予怪以有用之光。置無用之地。猶之暴殄天物。因效匡衡鑿壁之義。于牆上穴一小孔。置燈彼屋。而光射此房。彼行彼事。我讀我書。是一燈也。而備全家。

全書卷之四
之用又使目力不竭于焚膏較之瓦燈其利奚止十倍以贈貧士可當分財使子得擁厚貲其不吝亦如是也

藏板

聯匾第四

堂聯齋匾非有成規不過前人贈人以言多則書于卷軸少則揮諸扇頭若止一二字三四字以及偶語一聯因其太少也便面難書方策不滿不得已而大書于木彼受之者因其堅巨難藏不便內之笥中欲舉以示人又

不。便。出。諸。懷。袖。亦。不。得。已。而。懸。之。中。堂。使。人。
共。見。此。當。日。作。始。者。偶。然。爲。之。非。有。成。格。定。
制。畫。一。而。不。可。移。也。詎。料。一。人。爲。之。千。人。萬。
人。效。之。自。昔。祖。今。莫。知。稍。變。夫。禮。樂。制。自。聖。
人。後。世。莫。敢。竄。易。而。殷。因。夏。禮。周。因。殷。禮。尚。
有。損。益。于。其。間。矧。器。玩。竹。木。之。微。乎。予。亦。不。
必。大。肆。更。張。但。效。前。人。之。損。益。可。耳。錮。習。繁。
多。不。能。盡。革。姑。取。齋。頭。已。設。者。略。陳。數。則。以。
例。其。餘。非。欲。舉。世。則。而。倣。之。但。望。同。調。者。各。

出新裁其聰明什伯于我。投磚引玉。正不知
導出幾許神奇耳。



有詰于者曰。觀子聯匾之制。佳則佳矣。其如
掛一漏萬何。由子所爲者。而類推之。則博古
圖中。如罇罍琴瑟。几杖盤盂之屬。無一不可
肖象而爲之。胡僅以寥寥數則爲也。予曰。不
然。凡予所爲者。不徒取異標新。要皆有所取
義。凡人操觚握管。必先擇地而後書之。如古
人種蔗代紙。刻竹留題。冊上揮毫。卷頭染翰。

剪桐作詔。選石題詩。是之數者。皆書家固有之物。不過取而予之。非有蛇足于其間也。若不計可否。而混用之。則將來牛鬼蛇神。無一不備。予其作俑之人乎。○圖中所載諸名筆。係繪圖者勉強肖之。非出其人之手。縮巨爲細。自失原神觀者。但會其意可也。

蕉

葉

聯



蕉葉題詩韻事也。狀蕉葉爲聯其事更韻。但可置于平坦貼服之處。壁間門上皆可用之。以之懸柱則不宜。濶大難掩故也。其法先畫蕉葉一張于紙上。授木工以板爲之一樣二扇。一正一反。卽不雷同。後付漆工。令其滿灰密布。以防碎裂。漆成後始書聯句。并畫筋紋。蕉色宜綠。筋色宜黑。字則宜填石黃。始覺陸離可愛。他色皆不稱也。用石黃乳金更妙。全用金字則大俗矣。此匾懸之粉壁。其色更顯。可稱雪裏芭蕉。

此

君

聯

彷彿

舟行

二

峽裏

儼然

身在

萬


山中

寧可食無肉。不可居無竹。竹可須臾離。乎竹之可爲
器也。自樓閣几榻之大。以至筭盃箸之微。無一不
經採取。獨至爲聯爲匾。諸韻事棄而弗錄。豈此君之
幸乎。用之請自予始。截竹一筒。剖而爲二。外去其青
內剗其節。磨之極光。務使如鏡。然後書以聯句。令名
手鐫之。摻以石青或石綠。卽墨字亦可以云乎雅。則
未有雅于此者。以云乎儉。亦未有儉于此者。不寧惟
是。從來柱上加聯。非板不可。柱圓板方。柱窄板濶。彼
此牴牾。勢難貼服。何如以圓合圓。纖毫不謬。有天機

奏泊之妙乎此聯不用銅鈎掛柱用則多此一物是
爲贅瘤止用銅釘上下二枚穿眼實釘勿使動移其
穿眼處反擇有字處穿之釘釘後仍用摻字之色補
十釘上混然一色不見釘形尤妙釘蕉葉聯亦然

幸乎用之諸君子欲錄此一節暗而爲二快生其奇
聯林如欲至爲細微則前聯中集而兼凝且壯其
若此自覺開小附之大以爲其奇林林之爲非一不
幸而金然由不可計其外附其由然其十世之而

碑文額



三字額平書者多間有直書者。勻作兩行。匾用方式。亦偶見之。然皆白地黑字。或青綠字。茲效石刻爲之。嵌于粉壁之上。謂之匾額。可謂之碑文。亦可名雖石。不果用石。用石費多而色不顯。不若以木爲之。其色亦不做墨刻之色。墨刻色暗而遠視不甚分明。地用黑漆。字填白粉。若是則爲值。既廉又使觀者耀目。此額惟牆上開門者宜用之。又須風雨不到之處。密之至者。未啓雙扉。先立漆書壁。經之下。不待褰帷入室。已知爲文士之廬矣。

手

卷

額

天半朱霞

劉孝標目劉
孝度句移贈
至前庶幾無忝

周亮工



額身用板。地用白粉。字用石青。石綠。或用炭灰代墨。無一不可。與尋常匾式無異。止增圓木二條。綴于額之兩傍。若軸心然。左畫錦紋。以象裝潢之色。右則不宜太工。但象托畫之紙色而已。天然圖卷。絕無穿鑿之痕。制度之善。庸有過於此者乎。眼前景。手頭物。千

手

天

半

已知爲文士之

不刊之處

不待筆牒

